

阿克對雅尙有水，以後水不至，安集延人在此打壩，斷英爾對雅之水入阿克對雅，然水終不至，後亦毀棄，可證五十年前阿克對雅仍爲有水之河。在打壩處之東，仍有一乾河，爲子里支河，由子里分出至打壩處，而合於和闐河。當水大時，有渡船以濟行人，故此地有渡口之名。在打壩處之東，傳說有古蹟甚多。四月十七日，乃由打壩處騎馬東行勘查。經乾河旁之樹林，約十里抵一乾河，橫斷河床抵東岸，河岸沙阜迤邐，河床亦半爲流沙所掩，河寬約二百米，兩岸樹林排比成行，中露窪地一綫，由南向北偏東伸展，沒於沙窩之中。但在東北約十餘里地，又見有樹林一綫，邊大沙窩而行，必同爲一河時隱時現耳。因此我疑此乾河即六和吉格得以南吾人所探尋大沙漠中之乾河。此河既由和闐河分出，則古時和闐河在打壩處即北偏東流，後逐漸向西移耳。例如，子里河西徙爲英爾對雅，其形迹甚顯然也。因和闐河之西徙，亦必影響塔里木河之北移。六和吉格得南面之大乾河，吾人既已覓得陶片、銅件及古時之大道，則打壩處東之乾河有古蹟，亦必可信。子里獵戶稱，在乾河南古墳院甚顯明，則古時在乾河旁有居民亦在意中，但爲條件所限，不及前往尋覓，甚可惜也。返渡口後，繼續沿河向南行，當日住博爾去的。十八日住可言弟。十九日住伯格善。二十日住草灘。二十一日住紅山咀東岸草灘中。紅山咀本地人名爲麻札塔哈。蓋此山爲西北山脈之尾，臨和闐河旁，突出二山。在北名曰白山咀，在南爲紅山咀。在兩山之間，有大道西行，或爲古時交通通衢。有古城在紅山咀，周約里許，城三重，城內烽渣甚多。牆爲紅色，土坯所砌，中夾胡桐樹枝，則此地必爲大道旁守禦之所，而此道即爲于闐通疏勒之大道也。在臨河邊峻坡下之石隙中，有空穴，爲浮沙所掩，疑爲古人居住遺址。囑毛拉等掘之，出乾元錢一枚，木簡書民族古文字一枚（圖版玖叁，圖32）及粉紅色陶片，皆唐代物也。石室頂部，刻梵、漢字甚多。漢文中有「李思禮」、「印異生」、「盧衆玉」、「蘭口」、「羅宜米」等，其餘多不可識。刻劃甚淺，椎拓不易。有二石障于洞口，其下面皆有刻字，無法細看。則此地必爲唐代之重要遺址，此刻字皆過往人所題名也。一九〇八年，斯坦因曾在麻札塔哈掘出木版書及若干殘紙，皆八九世紀以前所書，內有古藏文書（中亞細亞探險談觀堂譯稿上，十頁），則此地吐番侵入時代尙巋然獨存也。二十一日，復由麻札塔哈東岸沿河向南偏西行，河中草灘甚多，漸有羊戶牧羊，當日住阿巴什。二十三日後由阿巴什出發，經伙什拉什，住玉龍河畔。玉龍哈什河與哈拉哈什河，在伙什拉什會流，是爲和闐河。二十四日轉南行於兩河之中間，遵循大道，至托窪克。胡桐密布，中顯通衢。此地胡桐葉圓，高不及兩丈，支條橫發，與庫車及塔里木河沿岸之胡桐直立，高至數十丈，扁葉，作黃金色有異。托窪克爲和闐最北之一村莊，旁和闐河東岸，西南有斯拉木額瓦提，在河西岸，亦和闐北部之大村莊也。至托窪克後，感覺此地風物特殊，此地人聲音清脆，形貌同於內地，而有疏略之鬚鬚。誠如北史西域傳所述：「自高昌以西，諸國人等皆深目高鼻，惟此一國，貌不甚胡，頗類華夏」（北史卷八十五，頁五）。又此地人說方位，亦與庫車不同。此地以南爲東，以東爲北，以